


VSCHINAUNCHA DA S-CHANF



LEDSCHA

d'ustaria

Ledscha d'ustaria

As basand sün l'art. 26 da la ledscha d'ustaria pel chantun Grischun dals 7 gün 1998 (LU) relascha la radunanza cumünela dals 1. settember 1999 seguainta ledscha d'ustaria.

I. Dispusiziuns generelas

Art. 1

Il cussagl cumünel ho la survagliaunza da las activiteds d'ustaria.

Survagliaunza

Art. 2

L'execuziun da la legislaziun d'ustaria es chosa dal cussagl cumünel.

Execuziun

II. Permiss

Art. 3

1. La dumanda per la concessiun d'ün permis tenor l'artichel 3 alinea 1 LU es d'inoltrer a la chancellaria cumünela almain ün mais aunz l'avertüra u la surpiglieda d'üna gestiun u aunz la realisaziun d'ün'occurrenza.
2. La dumanda sto cuntgnair las seguaintas indicaziuns:
 - a. las persunalias e l'adressa da la persuna, per la quêla il permis dess gnir relasco
 - b. las indicaziuns exactas da la gestiun u da l'occurrenza
 - c. las indicaziuns exactas d'eventuelas gestiuns secundaras
 - d. la düreda giavüscheda dal permis
3. A la dumanda sun d'agiundscher:
 - a. ün extrat dal register penel
 - b. la conferma cun suottascripziun tenor l'artichel 5 alinea 3 LU.

Dumanda

Art. 4

Premiss cha las premissas leghelas sun accumplidas, vain concess il permis in scrit a la persuna cun dret aunz l'avertüra u la surpiglieda da la gestiun u aunz la realisaziun da l'occurrenza.

Concessiun

Art. 5

Il permis po gnir collio cun pretaisas, specielmaing davart il dret d'access e la düreda da trategn dals giuvenils scu eir davart las uras d'avertüra e la protecziun counter canera.

Pretaisas

Art. 6

Ingrandimaints,
spustamaint,
müdamaint
dal gener da
gestiun

1. Ingrandimaints considerabels ed il spustamaint da gestiuns scu eir müdamaints dal gener da gestiun drouvan ün permiss speciel.
2. Per la dumanda vela l'artichel 3 alineas 1 e 2 confuorm il sen.

Art. 7

Commerzi in
detagl cun
bavrandas
destilledas

1. Dumandas per la concessiun d'ün permiss pel commerzi in detagl cun bavrandas destilledas sun d'inoltrer a temp sül formuler ufficiel a l'uffizi chantunel per economia e turissem, e que auz l'avertüra u la surpiglieda d'üna gestiun u auz la realisaziun dün'occurrenza.
2. Il formuler as po retrer tar la chancellaria cumünela.

III. Uras d'avertüra

Art. 8

1. Gestiuns
a) in generel

Las gestiuns paun fixer svess las uras d'avertüra.

b) excep-
ziuns

Premiss cha'l mantegnimaint dal pos public, da l'uorden public e da la sgürezza publica pretendan, paun gnir fixedas las uras d'avertüra per singulas gestiuns.

Art. 9

2. Occur-
renzas

Per occurrenzas vegnan fixedas las uras d'avertüra i'l singul cas.

IV. Taxes

Art. 10

Taxes da
permiss

1. Per conceder ün permiss vegnan inchaschedas las seguentas taxes:
 - a. per gestiuns fr. 100.00 fin fr. 500.00
 - b. per occurrenzas fin fr. 300.00
 - c. per ingrandimaints, spustamaint, müdamaint dal gener da gestiun fr. 50.00 fin fr. 300.00.
2. Per fixer las taxes i'l singul cas sun da resguarder adequatamaing ils cuosts administrativs scu eir l'interess e la productivited economica da la persuna oblieda da pajer la taxa.

Art. 11

Taxes
specielas

Per ulteriuors acts ufficiels, scu controllas extraordinarias da singulas gestiuns u occurrenzas, vain inchascheda üna taxa fin fr. 200.00.

V. Dispusiziuns penelas, mezs leghels

Art. 12

Cuntravenziuns cunter quista ledscha e cunter las disposiziuns executivas lozieva scu eir cunter la ledscha chantunela d'ustaria e las disposiziuns executivas da quella vegnan chastiedas cun resalva da l'artichel 15 i'l ram da l'artichel 22 LU.

In generel

Art. 13

Cunter disposiziuns dal cussagl cumünel in basa a la ledscha chantunela u a quista ledscha po gnir fat recuors in scrit infra 20 dis daspö la comunicaziun tal tribunel administrativ dal chantun.

Mezs leghels

VI. Dispusiziuns finelas

Art. 14

Il cussagl cumünel po relascher disposiziuns executivas.

Dispusiziuns executivas

Art. 15

Cun l'entreda in vigur da quista ledscha vegnan abolidas la ledscha d'ustaria dals 19.05.1956 scu eir tuot las disposiziuns chi tilla cuntrafaun.

Aboliziun dal dret da fin uossa

Art. 16

1. Permiss concess temporeraing a gestiuns aunz l'entreda in vigur da quista ledscha sun valaivels illimitedamaing, premiss cha la persuna cun dret cuntinua la gestiun i'l listess ram.
2. Proceduras pendentes al mumaint da l'entreda in vigur da quista ledscha sun da tratter tenor il nouv dret, premiss cha'l vegl dret nu saja pü favuraivel.

Dispusiziuns transitorias

Art. 17

Quista ledscha aintra in vigur als 1. settember 1999.

Entreda in vigur

Vschinauncha S-chanf

Il president:

L'actuar:

sig. Chr. Brunies

R. Camichel

